



Sermon
Kxf. Dr. Numlaajtsheb Yaaj

“Kuv Yuav Tuav Koj Txhais Tes”

The Baptism of Our Lord
Our Savior Lutheran Church
1-12-20

Thov txoj koobhmoov, txojkev hlub, thiab txojkev haumxeeb pub rau sawvdaws los ntawm Vajtswv uas yog peb Leejtxiv uas yog peb tus Tswv Yexus Khetos. Asmees.

Yaxayas 42:6, “I am the Lord; I have called you in righteousness; I will take you by the hand and keep you; I will give you as covenant for the people, a light for the nations – *Kuv, yog tus Tswv, hu koj los rau ntawm txojkev ncajnnees; Kuv yuav tuav koj txhais tes. Kuv yuav tseg koj thiab cog lus rau koj rau txhua tus neeg thiab ua lub teeb ci rau lwm haivneeg.*” “Nov yog Vajtswv Txojlus.” (Cross-reference – Loos 2:32, Tes Haujlwm 13:47; 26:23, Yaxayas 26:3; 27:3; 41:2, 13; 45:1; 49:6, 8; 51:4; 60:1, 3; Yelemis 12:16; 23:5-6)

Illustration: “Hold Hand” (Show holding hand)



Nej puas nco lawm haistias thaum uas thawj thawj zaug nej tau tuav tes nrog nej tus hluas nkauj los yog nej tus hluas nraug. Thaum nej tuav lawv txhais tes tej zaum nej tseem yog tub hluas thiab ntxhais hluas xwb. Tej zaum nej tau tuav lawv txhais tes thaum nej mus seevceev ‘dance,’ mus xyuas movies los yog nej ob txhais tes accidentally los sib chwv. Txojkev uas tuav tes qhia tau tias, peb muaj kev hlub thiab mov tshua rau tus tibneeg ntawd. Cov tiav nkauj tiav nraug lawv sib tuavtes qhia tau haistias yog nkawv sib nyiam “they have feelings for each other.” Tej menyuam yaus sib tuavtes qhia tias lawv yog phoojywg “show friendship.” Txojkev tuavtes qhia tau rau peb tias, peb muaj kev hlub,

kev txhawj, thiab kev tshua - love, compassion, concern, and caring.” (Show assorted pictures)



Thaum twg yog peb xav qhia peb txojkev hlub rau lwm tus, peb tsis yog yuav hais lus xwb, tiamsis peb nqis tes kiag uas yog siv peb ob txhais tes. Peb tuav tes “Shake hand” nrog peb tej phoojywg. Peb muab peb ob txhais tes coj mus puag cov uas peb hlub thiab tshua. Peb zoo siab qhuas “Congratulate” rau tus ua dejnum zoo los yog tau qhov zoo peb npuaj nws xubpwg - pat them on the back losyog give them a Hi! five. Yog peb tej kwvtij phoojywg xav tau kev pab, peb hais rau lawv haistias peb mam li tuaj pab lawv - we will give them a hand. (ua noj haus, nqa khoom, thiab lwm yam)



I. Nyob rau tiam 15th Century, (Show Albrecht Durer the Elder)



muaj ib lub zos nyob rau Nuremberg Germany, muaj ib khub txwjnkawm, nkawv muaj 17 tus menyuam. Leejtxiv ua haujlwm 18 hours per day - niaj hnuv khwv los mus yug nws tsev neeg. Nws ob tus tub hlob hu uas Albert and Albrecht Durer. (Show the Praying Hand)



Nkawv muaj ib qhov dreams tias nkawv xav los ua ib tus koduab - artist “painter.” Vim lawv txojkev txomnyem nkawv yeej tsis muaj chance mus kawm tau ntawv los mus ua tau tus koduab li. Muaj ib hmo Albert and Albrecht nkawv

tuav tau ib lub tswvyim. Nkawv muab ib lub nyiaj los pov saib yog leejtwg yeej no ces cia tus ntawd mus kawm ntawv ua ntej. Tus nyob no ces nws mus ua haujlwm los mus pab them nqis kawm ntawv rau tus uas tau mus kawm kom tag tso nkawv mam li sib hloov chaw. (Show portrait of Albert Durer)




Albrecht tau mus kawm ntawv ho Albert tau mus ua haujlwm as a mine worker. Albert siv zog khwv nyiaj 4 xyoo rau nws tus kwv kawm ntawv. Vim Albrecht txawj ko duab heev nws kawm tag thiab nws pib ua dejnum tau nyiaj. Nws rov los tsev thiab los hais kom nws tus tijlaug ho mus kawm es nws mam li them tus tijlaug tej nuj nqis. Thaum lawv noj mo tag Albrecht hais rau Albert tias, “Albert, tus tijlaug uas kuv hlub, txog koj thib lawm. Koj mus tau rau Nuremberg mus caum kom cuag koj zaj npausuav, kuv mam li saib xyua koj.” (Show hand)



Txhua leej txhua tus uas tuaj koom plus mov ntawd tig mus ntsia Albert saib nws yuav teb li cas. Albert kuasmuag ntws si thiab co hau thiab teb tias “No...No...No...NO” Nws sawv, so nws lub kuasmuag thiab hais rau nws tus kwv Albrecht tias, “No, brother, Kuv mus tsis tau rau Nuremberg. Lig rau kuv dhau heev li lawm. Saib...kuv khwv 4 xyoo hauv lub mines ua rau kuv txhais tes tsis zoo lawm. Kuv cov ntiv tes los raug tsoo, mob thiab kuv muaj arthritis- tshee nhyo, es kuv twb nrog nej tuav khob “toast” tsis tau rau txojkev zoo siab uas koj rov los tsev no. Kuv tuav tus cwj mem “pen” twb ko tej kab ntawv tsis ncaj lawm. No, brother... for me it is too late.”

Vim Albrecht hlub nws tus tijlaug heev, muaj ib hnub nws thiaj li ko nws tus tijlaug txhais tes los ua ke ua tau khwv khwv mob leeg thiab caus yaum tas los pab nws lub neej. Daim duab no muaj lub npe tias “Tes-Hands.” Tiamsis thoob ntiajteb pom ces lawv thiaj li muab tis dua lub npe “The Praying Hands” (this is the famous painting picture) vim no yog lub cim nco txog txojkev hlub. (Show Dr. Dobson)



Dr. James Dobson qhia txog ib txhais tes uas muaj kev hlub ntau kawg nkaus rau hauv nws lub neej. Thaum Dr. Dobson tseem yog menyuam yaus, lawv nyob ib lub small apartment. Nws pws tibhoob hauv nws niam nws txiv. Thaum nws muaj peb xyoo, txog tej tag hmo in the middle of the night nws hais lus ntxhi hu nws txiv tias, “Daddy?” “Daddy?” Nws txiv sawv thiab nug tias, “Muaj dabtsi Jimmy.” Jimmy hais rau nws txiv tias, “Tuav kuv txhais tes.” Nws txiv cev tes tsauntuj nti los tuav Jimmy txhais tes. Thaum Jimmy tuav nws txiv tes lawm, nws tsis muaj qhov ntshai ces nws rov mus pws tsaug zog lawm. Dr. James Dobson

hais zaj story no nyob ntawm nws txiv lub funeral. Thaum nws xaus lus nws hais tias, “Kuv yeej ibtxwm cev kuv txhais tes mus rau ntawm kuv txiv hauv kuv lub neej, zaum no yog thawj zaug uas nws tsis nyob no lawm - I’ve been reaching out to my father all my life, and now for the first time, he’s not there.” Our hand communicate love - peb txhais tes yog qhia txog txojkev hlub. (Show fist)


II. Tiamsis, peb tibneeg tsis **siv** peb ob txhais tes los mus qhia txojkev hlub rau lwm tus. Peb muab nws nyem siv zog nruj ua nrig cia. Peb tsis yog siv peb ob txhais tes los mus pab dejnum, pab lwm tus, peb tsuas hais tias peb txhais tes **tsis** muaj sijhawm “busy with other things” vim peb muaj lwm yam ua lawm. (Show Seung-Hui Cho – gun in a killer hand)



News media xovxwm qhias haistias, tibneeg siv tibneeg txhaistes los mus ua phem tsis yog ua zoo. April 16, 2007, nyob rau Virginia Tech, Blacksburg, Virginia, Tus student Seung-Hui Cho siv nws ob txhais tes los mus tuav phom tua tuag 30 leej thiab rov tua nws tus kheej. Xovxwm sau haistias, “the deadliest mass shooting in American history.”


Yav dhau los muaj ib tus niam tsev muab nws tus tub 4 xyoo tua tuag thiab muab log tomqab nws lub tsev – behind her house. The reason - he was “retard - ruam” thiab leejniam xav tias no ua rau leejniam txajmuag heev “embarrassed” thiab ua ib qhov kev teebmeem yog lub nras hnyav “burdened” rau leejniam.

Yexus totaub tias txhaistes no yeej yuav siv rau txojkev phem. Nyob rau ntawm tus Tswv Rooj Mov, Yexus hais ntawm Mathais 26:23 “*Tus uas cev nws txhais tes los ntsws tib lub tais, tus ntawd yog tus uas yuav ntseev siab rau kuv.*” (Show Luke 22:21-23)



Lukas 22:21 “*Txhais tes uas ntseevsiab rau kuv nws nrog kuv nyob ntawm rooj no ntag.*” Ua ntej Yexus yuav raug mus ntsia saum tus ntoo khaublig, cov neeg ua ntes Yexus coj mus txiavtxim xua lawv tej tes los ntau nws lub ntsejmuag, nplawm nws, thiab muab lub kausmom xuavpos coj los chob rau Yexus lub taubhau - slap him, whip him, and press thorns into his head. Thaum kawg cov tubrog xua lawv txhais tes coj los tuav Yexus rau ntawm tus ntoo khaublig thiab muab Yexus ob txhais tes ntsia rau ntawm tus ntoo khaublig. Peb txhais tes ntawm peb lub cev, qhia tau kev hlub, tiamsis nws kuj tig hlo mus ua kev phem, nrog kev ntxub.

Vajtswv hlub peb heev los ntawm Vajtswv txhais tes. (Show Isaiah 42:6)



Vajtswv Txojlus Yaxayas 42:6 “I am the Lord; I have called you in righteousness; - *Kuv, yog tus Tswv, hu koj los rau ntawm txojkev ncaincees; Kuv yuav tuav koj txhais tes...*” Vajntxwv Daviv sau ntawm cov Ntawv Nkauj tias Nws txhais tes tivthaiv peb ntawm kev txhaum thiab kev phem. Nkauj Qhuas Vajtswv 37:23-24 “*Tus Tswv txaus siab rau tibneeg txojkev...txawm nws ntog los nws yuav tsis qaug, vim tus Tswv tuav rawv nws txhais tes.*” Thaum Daviv ntsib kev teebmeem nws saum Nkawj Qhuas Vajtswv 63:8 “*Kuv nyob ze koj, thiab koj txhais tes xis thaiv tsis pub kuv raug kev nyuaj siab.*” (Show Psalm 145:16)



Nkauj Qhuas Vajtswv 139:10 “*Koj sab tes xis yuav coj kuv txoj kev.*” Nkauj Qhuas Vajtswv 145:16 “*Koj qhib koj txhais tes thiab ua zoo rau txhua yam uas muaj sia nyob.*” Peb yog Vajtswv haivneeg, peb lub neej yog nyob tasnrho rau hauv Vajtswv txhais tes. Peb tus Camwseej coglus rau peb ntawm Nws txojkev hlub tias peb yog nws li thiab nws yog peb li, tsis muaj ib yam dabtsi yuav cai tau peb ntawm nws. (Show John 10:27-28)



Peb qhov Txojmoozoo hnuv no thiaj li hais ntawm Yauhas 10:27-28 “*Kuv pab yaj paub kuv lub suab, kuv paub kuv pab yaj thiab pab yaj raws kuv qab. Kuv muab txojhia ntev dhawv mus ibtxhis rau lawv, lawv yuav tsis tuag ib zaug li, thiab tsis muaj leejtwg yuav txeeb tau lawv hauv kuv txhais tes mus li.*” (Show healing the sick)


III. Yexus siv nws ob txhaistes los mus qhia txojkev hlub rau txhua leej txhua tus uas nws ntsib.



Lukas 4:40 “*Thaum hnuv poob qho lawm, tibneeb coj coob leej ntau tus uas muaj ntau yam mob tuaj cuag Yexus, Yexus cev tes tuav txhua tus, ces lawv tej mob txawm zoo huv tibi lawm.*” Lukas 13:10-13 “*Muaj ib hnuv uas yog Hnuv Xanpataus, Yexus tabtom qhia hauv ib lub Tuamtsev. Muaj ib tug pojniam mob tau 18 xyoo. Thaum Yexus pom tus pojniam ntawdd, Yexus hu nws los thiab hais rau nws tias, “Pojniam!, Koj dim ntawm koj txojkev txomnyem lawm.” Ces nws*

cev nws txhais tes mus tuav nkaus nws, ces tamsim ntawd tus pojniam ntawd txawm sawv taus ntseg thiab nws qhuas Vajtswv.”

Yexus txhais tes ua dejnum ntau tshaj li uas kho tibneeg muaj mob xwb. Nws yog los ntawm sab ntsujplig. Nws txhais tes theej peb txojkev txhaum lawm. (Show paralyze man)



Thaum tibneeg coj tus neeg tuag tes tuag taws tuaj ntsib Yexus, Yexus nug tias Malakaus 2:9-11 “Los lus twg yuav yooj yim hais duas: ‘Koj lub txim twb raug zam lawm?’ los yog ‘Cia li sawv muab koj daim pam puas chaw nqa thiab cia li mus kev?’ Kuv ua li no qhia rau nej paub hais tias Neeg Leejtub muaj hwjchim nyob hauv ntiajteb no zam tau txim....Kuv thiaj li hais rau koj ‘koj cia li sawv thiab nqa koj daim pam pua chaw mus tsev.’ Thaum sawvdaws tabtom ntsia ntsoov nws, nws txawm sawv tsees nqa hlo nws daim pam pua chaw tawm nrawm nroos mus lawm.” (Show Jesus hand nail to the cross)



Tasnrho txhua yam uas Yexus siv nws txhais tes los ua, yam tseemceeb tshaj plaws yog nws cia Loos cov tubrog siv ntsia laug muab nws ob txhais tes ntsia rau saum tus ntoo khaublig. Vim yog nws txhais tes uas tau to nrog rau kev tuag thiaj li zam tau peb lub txim. (Show Koovmoov Joshua Yang)



Niam xibhwb wb tus tub yaus Joshua nyiam kom yus tuav nws txhais tes. Yog nws xav kom yus aiv nws ces nws cev nws txhais tes los rau yus puag nws. Yog nws los nrog yus zaum saib TV es yus tuav nws txhais tes los nws cia yus tuav twb ywm. Tej tag hmo yog nws sawv los ntawm wb lub room, yus sawv tuav nws tes rov mus pws ces nws mus pws tsaug zog txog kajntug. Peb mus tom mall, yog yus tuav nws txhais tes, nws yeej tuav rawv yus txhais tes. (Show Jesus Hand)



Peb ib txhia yuav tsis nwm losyog nco txog, tiamsis peb cev peb txhaistes mus rau peb Leejtxiv tus uas nyob saum ntuj ceebtsheej tibyam thiab. Thaum peb poob mus rau txojkev txhaum, muaj kev nyuaj siab, muaj kev mob kev nkees peb quaj thov kom Vajtswv cia nws txhaistes los cawm peb dim ntawm tej kev xwmtxheej tsis zoo thiab coj peb kev ua neej kom rov tshav ntuj nrig. Thaum peb ntxhov siab, peb ris nras hnyav, peb muaj teebmeem, peb thov kom nws txhaistes los puag peb rau hauv nws lub xubntiag thiab tivthaiv peb kom peb tau txojkev kajsiab lug. (Show Jesus holding you)



Thaum twg peb tsa tes thov nws, Nws yeej hnov peb tej lus thov thiab teb peb li nws txojlus cogtseg haistias, “Kuv yuav tuav koj txhaistes.” Asmees.

Thov kom Vajtswv Txojlus pub rau peb sawvdaws totaub thiab tau nyob kajsiab lug rau ntawm Tswv Yexus Khetos lub npe. Peb txhua tus uas yog Vajtswv cov menyuum peb sawvdaws hais: Asmees.